

# Колхоз СЮРЕС

ВКП(б)-лэн Кезской Райкомезлэн но Райсоветлэн органы  
18-тй августэ 1940 аре № 75 (1388) Дуныз 5 копейка

## Социализм страналэн авиациез

30 ар гинэ ортчиз ини, кызы жугиськонлэн поле вылаз авиация нырысетизэ применить каремын вал. Али авиация войнаын бадзым но решающей значение басытэ.

Ворошилов эш партилэн XVIII ти с'ездэз веракуз пусйиз, что 1938 арын быдэс асьме авиацимылэн одно-временной бомбовой залпез, мукет сямен вераса, авиобомбаослэн секталазы, одиг полжутамаз 6000 тоннальсь но ятыр вуттылиз. Ортчем кык ар'ёс жоже советской авиацилэн бомбовой залпез унолы будиз.

Асьмелэн авиацимы—мирын самой кужмоз, самой азьмынись авиация. Советской самолет'ёслэн качествазы доказать но испытать каремын практически озеро Хасан дорын, Халхин-Голын но белофинн'ёсын нюр'ясконсын.

Мощной социалистической промышленность истребитель'ёслэсь но бомбардировщик'ёслэсь наиболее современной тип'ёссэс бадзым сериосын производить карыны луонлык сётэ.

Белофинн'ёсын жугиськоннын асьмелэн легкой составмы азинлыко формиз шуг-секыт'ёсты. Витьтон градус'ем кезыт'ёс, бус'ёс но төлперис, полярной уй, самолет'ёслэн йёзектэмзы—номыр но бычыгы асьме личной составмылэсь боевой кужымзэ. Тодэ ваёмы эскадрильилэсь комиссарзэ Тараненко эшез, кудиз пулемет'ёслэн ибылэмзы улын одиг истребитель вылын секыт ранить карем Ивакин летчикез тушмонлэн территория вылысьгыз поттиз. Та выллем случайёс трос вал. Та факт'ёс вера о сое, что котькудиз ик советской летчик, котькудиз боец одиг минутлы но уг вунэтылы асьме авиациез, Красной Армиес, партиес, странамес, Сталин эшез.

Асьмелэн гражданской самолет'ёсмы чорыг'ёсты угчан'я разведкаын ветло, нолэс пожар'ёсты кысыны юртто, колхозной луд'ёсы: гризун'ёсты но насекомойёс-

ты быдтон'я нюр'яскон пуо. Туннэ асьмеос праздновать кариськомы авиацилэсь нуналзэ. Асьмеос праздновать кариськомы сое мирной обстановкаи. Но асьмеос одиг минутлы но ум вунэтыське, что войнаез кемжытысьёс азыланьын но СССР-ез войнае кысыны турттозы.

Вот малы асьмеос обязанной луйськомы социалистической родинамылэсь обороназэ юнматыны. Героической Красной Армиелэн кужымез нуналлы быдэ будэ, соин валче вормонтэм воздушной флотлэн кужымез но йылэ.

Асьме авиацимылы уно юртто осовахиимовской организаос. Со асьме советской авиацимылы трос дася кышкасытэм, таза егит поколениез, со дася значкист'ёсты, куд'ёсыз уг кышкало но кытё шуг-секытлэсь. Асьмеос котьку дася любой тушмонлы чурит пез дэт сётыны.

Ваньмыныз таин асьмеос обязать каремын асьме собственной калыкмылы, асьме правительствомылы, асьме партимылы но великой Сталины.

## Бусысь азьмынисьёс

М-Пужмезь колхозысь колхозница А. А. Федорова етин ишконын нуналаз 56 трудодень ужала. Талэсь бере уг кылэ З. Федорова, А. Федорова колхозницаос но.

Озын ик Федоров И. Н. нуналаз 5,25 гектар вылысь машинаен зег ара. М. П. Федорова, З. Федорова но мукет'ёсыз быдэн 700—725 культуро кертто. А. Федоров.

## Авиацилэн Всесоюзной нуналз азелы.



## Нырысь кутсам ю-тысез колхозник'ёслы люкылызы

ВКП(б)-лэн ЦК-ез но СССР-лэн СНК-ез „Сельскохозяйственной продукт'ёсты октон-калтон но дасян сярэсь“ постановленизэс поттызы. Но та поставленизэс районысьтымы тросез колхоз'ёс нарушать каро. Государстволы ю-тысь сётон ляб мынэ. Вань сыче но антигосударственной факт'ёс, юзэс кутсаса, государстволы сдать карытэк, люкыло колхозник'ёслы авансэн. Кылсярысь, Юскинской сельсоветысь Каракулино ксхозын 4,42 центнер зег кутсазы, ссе государстволы сётятэк, колхозлэн председателез И. Ф. Каракулов 3,98 центнерзэ колхозник'ёслы люкылыз.

Озыы ик И. Ф. Каракулов-

лэн косэмез'я туэ арын тулыс. 21 центнер кыстэм страхфондысь 15,91 центнерез колхозник'ёслы авансэн люкылымын. 51 колхозник'ёс пöлысь 29 колхозник'ёслы зег сётэмын вал. Со 29 колхозник'ёс 1939 арын 5053 трудодень сяна өз ужалэ. Тини озыы колхозлэн председателез Каракулов лодыр'ёслы едак'я авансэн нянь люкылыз, куд'ёсыз 1939 арын минимум трудодень заработать өз каре. Каракулов ачиз но страхфондысь 2,62 центнер но выль урожайысь 0,30 центнер авансэн басьтиз, нош нырысь тысьсез государстволы слать өз кары. Закон'ёсыз тямез понна Каракулов ответственность улэ кыстыське.

Райпрокурор Емельянов.

## Зег сиысь нумыр но соин нюр'яськон

Озимовой совкалэн гусеницаез (зег сиысь нумыр) асьме районамы озимой культураослэн опасной врагеныз луэ. Со арысь-аре колхоз'ёслы бадзым из'ян лэсьтэ.

Туэ арлэн условиосыз озимой совкалэн гусеницаезлы йылыны благоприятноесь луо. Тани Камыжевской сельсоветысь Падезвай колхозын одиг квадратной метр вылэ усэ 2 нумыр, Б-Камыжево но М-Камыжево колхоз'ёсын—1 нумыр. Тодмо, что одиг квадратной метр вылын 5 нумыр луон дыр'я соос вань кизем зегез выжыеныз ик быдто. Тани Польшан, В-Дырпа, Легмувыр но мукет'ёсаз колхоз'ёсын кылем арын зег сиысь нумыр ваньзэ зегудзэс быдтиз.

Котькуд агроном, колхозысь председатель, бригадир но звеньевод зегуд вылэ нумыр'ёслэсь кылдэмзэс эскероно луо.

Зег сиысь нумыр'ёсын заразить карем участок'ёсты междуро канаваосын котыроно. Канава пыдсы сорняк'ёсты яке кормовой турын'ёсты-картовка куар но кубисталэсь уй куар'ёссэ векчи кораса но отравить карыса приманка тыроно.

Приманка ядовитой раствором пропитываться карыське. Ядовитой раствор дасяське тазы: кык-куинь литра вуын 50 грамм мышьяковисто-кислой натри яке 700 грамм кремнефтористой натриез та раствор борды 50 грамм мучной клейстерез йылтыса. Та мында лыд'ем приманка—раствориться карыське. Котькуд заражонной гектар вылэ 100

килограмм отравленной приманка тырыське.

Пар вылын приманка тырыське лок'ёсын, быдзалаен одиг кырым котькуд 4—8 метр'ем расто яни е вылэ. О з и м о й ё с б ы р е м вылтй отравленной приманкаос кыин кизысько.

Уг яра тырыны отравленной приманкаосты зорон дыр'я, соку ядзэ гылтэ.

Озимой совкалэн гусеницаеныз заразить карон дыр'я, зегудзэ ядохимикат'ёсын опыливать кароно; мышьяковокислой кальциен 8—10 килограмм вылысь яке 10—12 килограмм кремнефтористой натриен котькуд гектар кизем зег вылэ лыд'яса.

Ядохимикат'ёсын опыливать каронэз чукнаосы орччитоно, лысву орччем бере, яке жытазе опылительёсын яке кык фунт'ем мешок'ёсысь, куд'ёссэ шест вылэ думылоно.

Ядохимикат'ёсты уже кутон дыр'я эскероно, чтобы приманкаосты лэсьтон интые, ядохимикат'ёсын обработать карем почва вылэ, нокузыны но өвёл лэзэно пудо-животзэ, тыло-бурдогз. Яд'ёсты возэно специальной склад'ёсын, замок събрын, кытын одиг но луыны кулэ өвёл сионо продуктаос но фураж.

Озимой'ёсты озимовой совкаосызлэн гусеницаосызлэсь позьман исключительно зависеть каре райЗО, МТС но колхоз'ёс бордысь, со бордысь, кызы дыраз но шонер соос быгато химической но механической нюр'яськонлэсь мераосэ организовать карыны.

Н. Лекомцев.

## Районамы тысё но техни- ческой культураосты октон-калтонлэн но зег кизёнлэн мынэмез сярэсь 15 августы райзолэн СВОДКАЕЗ (Процентэн вераса).

С-совст'ёс	Тысё юос ара- мын	Етин пшке- мын	Зег кизе- мын
Кез . . . . .	41,7	75,2	70
Юски . . . . .	46,3	90,8	82
Камыжево . . . . .	49,5	90,8	94
Кузьма . . . . .	49,4	80,5	95
Ст-Сирп . . . . .	42,6	90	100
Тортым . . . . .	54,2	100	100
Уди . . . . .	44,8	90	94
Пихтово . . . . .	36,5	85,2	69
Пужмезь . . . . .	47	84,1	77
Стеньгурт . . . . .	53,9	100	80
Сыга . . . . .	52,8	100	96
Полом . . . . .	37,5	100	78
Пинькай . . . . .	43,8	97	98
Ал-дрово . . . . .	49	100	88,8
Дырпа . . . . .	59	100	96,1
Озон . . . . .	62,7	100	81,3
Ваньмыз . . . . .	49	93,5	86

## Агитационно-массовой уж өвёл

Медвинской лесопунктын трос лыд'ясько ужасьёс. Но соос пöлын нокуыче агитационно-массовой уж өвёл, ужасьёс уг тодо граница събрысь берло ивор'ёсты. Газет'ёс выписать карымтэ. Красной уголокын нокуыче журнал'ёс, газет'ёс өвёл.

Урод уж столвойын но. Спон'ёс чем дыр'я уг луылы, со но урод луылэ. Нош администрация та'че ужез умогатыны одиг но уг сюлмасысь.

Костырева.

## КЛЕВЕРЕЗ НО КÖЖЫЕЗ БЫДТО

Пужмезьской сельсоветысь Зямашево колхозын Д. И. Главатских но А. В. Белослудцев конюх'ёслэн сюлмасысь кымтэенызы клевер зурод'ёс таргамын, кудыз пограмын ини. Конюх'ёс уйин вал'ёссэс урод возьмало, клевер зуродэ лэзэ, яке сезыны вылын сюдыло.

Тазыы ик колхозлэн председателез А. Ф. Лекомцев көжыез вожен турнатиз, соин сэрэн зуроам көжыны сисьме ини. Нош колхозлэн председателез та урод уж'ёсты уг но адзылы, лэся, чурыт ужрад уг куты.

Дерендяев Г.

Редакторез воштйсь  
Н. Ж У И К О В.  
Поттйсь райсовет.